

外三

六科準繩



外科準繩卷三

金壇王肯堂輯 瘦樵程永培校

癰疽部分

〔靈樞〕五臟身有五部

伏兔一

腓二

腓者腓也
卽足肚

背三

五臟俞四

項五

此五部有癰疽者死

王海藏云 腦 鬚 鬢 頤 亦爲癰疽必死之處

〔鬼遺方〕不可患癰疽者七處

眼後虛處

頤接骨處

陰根上毛間膀與尻骨接處

耳門前後車

骨接處 諸因小腹風水所成癰疽

頤骨下近耳後虛處

鼻骨中

並能害人但以諸法療之或有

得癰惟眼後虛處最險

背上九處不可病癰

第一入髮際爲玉枕亦爲舌本

第二頸項節

第三椎爲崇骨

第四大椎爲

五藏 第五脊骨兩邊肺俞穴

第六夾脊兩邊脾俞及肝俞

第七脊骨兩邊腎俞二穴

第八後心

鳩尾 第九鳩尾骨穴

正面五處不可患癰

第一喉骨爲垂膺

第二當胸爲神舍

第三心鳩尾

第四當兩乳穴

第五

臍下二寸爲腸屈間

側面三處不可患癰 耳下近耳後牙車尖央陷中爲喉脈一穴 當臍下一穴爲肩骨 承山上三寸一穴爲臑腸

上焦發癰爲陽是壅塞實候宜解利溫涼湯藥去其積熱上攻外卽貼消腫逼毒藥如已結定卽用發穴藥候穴破出其膿毒腫平方貼生肉等藥然後斂合瘡口亦慮外傷風水勿食發風熱醬麪毒物等忌房事

中焦發癰至腰上一節前後心不定所在皆是澀滯候亦乘虛而作不拘大小前起心鳩尾者最要緊近兩腋是虛處兩脇肋下至臍上及臍下兩傍一二寸發癰填氣伏硬難潰膿爲此等處偏難發穴穴後難合瘡口並須先用煖內藥服後用熱藥貼令軟和慢慢破穴不得急破急破卽朝夕出膿不住緩慢破穴卽一頓出膿易爲將息後心者惟有十一椎脾俞下十四椎上爲腎俞腎俞下爲腰俞兩處起癰者防毒氣內攻爲此處皆是至虛處凡有癰起先須補內氣令實方可放破內氣實則不內攻且易得潰惟腰腿兩處多成漏疾須預防之節慾尤爲先務也

下焦發爲流注虛損候前陰股兩處起如鷄卵大長橫摺內初起腫核結塊後四畔浮腫相併伏硬色青黑先用和平藥內服三五日後用發軟散及罨藥罨令軟卽穴穴後其瘡口卽隨摺子內作長瘡瘡口破



宜急用抽毒膏出膿膿盡便貼合瘡口藥爲此處無肉可壞更不須長肉也

右靈樞鬼遺諸書所言部分甚悉今已散采入各條矣其經絡所屬及引經之藥已見首卷分經絡篇其初中後內消外治之法及表裏虛實之別則當於腫瘍潰瘍門求之今世專科方士所詫以爲祕傳之書圖寫形像分別名目以立治法者多不足憑此中亦有蒐采者如或問之類姑以廣聞見耳不必泥也

頭部

百會疽

或問百會穴生疽何如曰此名玉頂發初如麥米頓增痛楚寒熱大作由虛陽浮泛宜以鹽湯下八味丸引火歸源甚則黑錫丹或元氣素厚六陽經受風邪風火相扇臟腑熱毒上攻而然者宜黃連消毒飲兼玉樞丹勝金丹更以附子切片置湧泉穴灸五壯以泄其毒七日無膿者死

頂門癰

或問頂門生癰何如曰此屬太陽經風熱所致一名佛頂疽穴名上星由臟腑陰陽不調熱毒上壅而成宜服活命飲加芩連梔子藁本清熱之劑及紫金丹烏金散奪命丹汗之虛者十全大補湯加羌活稍遲潰爛黑陷惡證多脈大神昏二便閉結者不治



額疽

鬼遺方云左額右額發赤疽不拘大小狀如桃李急宜藥貼破見膿無害右額角一處發毒疽及惡癰爲近太陽穴如腫滿太陽卽成虛損爲近穴而難消不可破如破後傷外風水卽能害人亦宜用藥潰膿後速斂合瘡口如經冬月卽成冷瘡緣此處近太陽穴上至額角都爲險處 或問當額生疽何如曰此屬陽明胃積熱宜服活命飲加升麻桔梗羌活酒水酒煎服壯實者一粒金丹下之老弱者十全大補湯或十宣散黃耆內託散託之過時潰爛腦髓出者死

太陽疽

鬼遺云左右太陽穴或發疽癰及癰五七日不潰毒氣流入眼眶攻眼眼合不開用藥貼破破後慎外風水所入卽損其睛淫損眼瞼而成大疾 或問兩太陽生疽何如曰此名勇疽亦名腦發疽屬足陽明胃經狀如伏鼠寒熱併作面目浮腫宜活命飲加升麻桔梗烏金散十一日刺得黃白膿者生清稀黑血者及潰爛透腦者死

鬢疽

鬢疽屬手少陽三焦相火是經少血多氣尤忌見膿若妄加針灸必至不起余見之屢矣 薛新甫以爲

屬肝膽二經怒火或風熱血虛所致若發熱作渴者用柴胡清肝散腫響痛甚者用仙方活命飲若大勢已退餘毒未散用參耆歸朮為主佐以川芎白芷金銀花以速其膿膿成仍用參耆之類託而潰之若欲其生肌收斂脾虛者六味丸血虛者四物加參耆或血燥或水不能生木者用四物湯六味地黃丸氣虛者用補中益氣湯皆當滋其化源爲善

一老腫痛發熱膿清作渴脈軟而澀此氣血俱虛也欲補之彼見作渴發熱乃服降火之劑果作嘔少食復求治投六君子湯四劑嘔止食進仍用補藥月餘而愈

以上補例

一人患病痲痛作腫發熱以小柴胡湯

加連翹金銀花天花粉四劑而消

一人因怒後鬢際腫痛發熱以小柴胡湯加連翹金銀花天花粉四

劑根畔俱消惟瘡頭作痛以仙方活命飲二劑痛止膿熟針之更以託裏消毒藥而愈 一人腫痛寒熱

拘急脈浮數以荆防敗毒散二劑表證悉退更以託裏消毒散潰之而安 一人痲腫痛甚發寒熱服十

宣散愈熾診之脈數而實此表裏俱有邪也以荆防敗毒散加芩連大黃二劑少愈更以荆防敗毒散四

劑而消 俞黃門年踰三十冬患鬢毒腫痲煩躁便秘脈實此膽經風熱壅上也馬氏曰瘡瘍熱實不利

者大黃湯下之一劑便通瘡退更以荆防敗毒散二劑十宣散去桂加天花粉金銀花數劑而愈 一人

頭面痲腫作痛時伸冬脈弦緊以託裏溫經湯汗之而消 趙宜人年踰七十鬢疽已潰痲腫痛甚喜冷

脈實便秘東垣云煩躁飲冷身熱脈大精神昏悶者臟腑實也以清涼飲二劑腫痛悉退更以託裏藥三十餘劑而平

〔注〕前疽雖出少陽血少之分然證與脈皆屬於實故年壯者用瀉劑之重老年者用瀉劑之輕若拘以年老或守其經禁而投補劑實實之禍難免矣以上瀉例

侍御朱南皋患前證腫痛發熱日晡尤甚此肝膽二經血虛火燥也用四物湯加元參柴胡桔梗炙草治之而愈又因勞役發熱畏寒作渴自汗用補中益氣湯去柴胡升麻加五味麥門炮薑而瘥 州守胡廷器年七十患前證腫焮作痛頭目俱脹此腎水不足肝膽火盛而血燥也用六味丸料四劑瘡頭出水而愈後因調養失宜仍腫痛煩熱喘渴脈洪大而虛此脾胃之氣傷也用補中益氣以補脾胃用六味地黃丸以補腎肝而瘥以上補例

柴胡清肝散 治鬢疽及肝膽三焦風熱怒火之證或項胸作痛或瘡毒發熱

柴胡

山梔炒各一錢五分

黃芩炒

川芎

人參各一錢

連翹

桔梗各八分

甘草五分

右水煎服

髮際瘡

鬼遺云左右髮際起如粟米頭白肉赤熱痛如錐刺此疾婦人患多丈夫患少始因風濕上攻髮際亦宜出膿無傷或問髮際生瘡何如曰此名髮際瘡也狀如茨實漫腫寒熱或痛或癢者髮際疽也此由風熱上壅所致宜服防風通聖散紫金丹奪命丹汗之

癩頭瘡

〔丹〕防風通聖散爲末酒浸焙乾凡三次食後白湯調服日三服至頭有汗效

〔世〕濃煎鹽湯洗三五日一洗用一上散傳之年久亦愈神效

〔丹〕用好紫霄炭燒通紅入水淬之又燒又淬以水熱爲度取所淬之水日日洗之使熱毒宣發而愈外

以胡葵子伏龍肝懸龍尾屋梁塵也黃連白礬爲末調傳又服酒炒通聖散效一方單用黃連末傳之亦效

或問頭上生瘡狀如葡萄痛甚久而無膿何如曰名鬚毛瘡治法上同必須詳驗其瘡若中陷而四畔高

起色如黃蠟者廣瘡也

松脂膏 治頭瘡經年月不癒

- | | | | | | |
|----|--------|----|-----|-----|----|
| 松脂 | 黃連 | 黃芩 | 苦參 | 蛇床子 | 大黃 |
| | 去鬚各七錢半 | | 各一兩 | 二錢半 | |

- | | | |
|------|-----|----------------|
| 白礬 | 水銀 | 胡粉 |
| 枯各半兩 | 一兩半 | 半兩合水銀入少許 |
| | | 右爲細末研勻用臘猪脂調傳瘡上 |



貝母膏 治頭禿瘡

貝母

半夏生

南星

五倍子

白芷

黃柏

苦參

各二錢半

號丹煨一錢半

雄黃一錢

右爲細末先以蜂房白芷苦參大腹皮荊芥煎湯熏洗

拭乾卽用蜜水調傅兩三次後乾摻藥

加味平胃散 治一切惡瘡頭上瘡

右平胃散入膩粉清油調傅之甚妙

螺蛸散 治頭上生瘡俗曰粘瘡

海螺蛸二錢

白膠香

輕粉各半兩

爲細末研勻先用清油潤瘡後摻藥只一上可矣

治頭極癢不痛生瘡方

鵝鴿糞五合

右以好醋和膏煮三兩沸日兩三次塗之

腦疽

〔鬼遺〕正腦上一處起爲腦癰及腦疽腦鑠並在大椎骨上入髮際生腦癰皮起易得破穴急破急出膿不害腦疽皮厚難得破穴須急發內毒使破穴方可 腦鑠一處初起如橫木掘上起頂門下止大椎發

腫如火燒其色青黑如靴皮大硬不見膿卽損外皮如犬咬去肉之跡難愈 靈樞云陽氣大發消腦溜項名曰腦爍其色不樂腦項痛如刺以針煩心者死不可治

〔薛〕腦屬足太陽膀胱經積熱 或濕毒上湧 或陰虛火熾 或腎水虧損陰精消涸 初起腫赤痛甚煩渴飲冷脈洪數而有力乃濕熱上湧當用黃連消毒散并隔蒜灸以除濕熱 漫腫微痛渴不飲冷脈洪數而無力乃陰虛火熾當用六味丸及補中益氣湯以滋化源 若口舌乾燥小便頻數或淋瀝作痛乃腎水虧損急用加減八味丸及前湯以固根本引火歸經 若不成膿不腐潰陽氣虛也四君加歸耆 不生肌不收斂脾氣虛也十全大補湯 若色黯不潰或潰而不斂乃陰精消涸名曰腦爍爲不洽若攻補得宜亦有可愈治者審焉

積熱挾風
瀉虛

元好問記曰予素飲酒於九月中患腦之下項之上出小瘡後數日腦項麻木腫勢外焮瘍醫遂處五香連翹湯至八日不下而云不可速療十八日得膿出用藥或砭刺三月乃可平四月如故予記醫經云凡瘡不見膿九死一生果如醫言則當有束手待斃之悔乃請李明之診且謂膏粱之變不當投五香事已無及當先用火攻之策然後用藥以大艾炷如桃核許者攻之至百壯乃痛覺次爲處方云是足太陽膀胱之經其病逆當反治脈中得弦緊按之洪大而數又且有力必當伏其所主而先其所因其始則同其

終則異可使破積可使潰堅可使氣和可使必已必先歲氣無伐天和以時言之可收不可汗經與病俱禁下法當結者散之鹹以更之然受寒邪而禁鹹諸苦寒爲君爲用甘寒爲佐酒熱爲因用爲使以辛溫和氣血大辛以解結爲臣三辛三甘益元氣而和血脈滲淡以導酒濕扶持秋令以益氣瀉火以入本經之藥和血且爲引用旣以通經爲主用君以黃芩黃連黃柏生地黃知母酒製之本經羌活獨活藥本防風防己當歸連翹以解結黃耆人參甘草配諸苦寒者三之一多則滋榮氣補土也生甘草瀉胃火補下焦元氣人參橘皮以補胃蘇木當歸尾去惡血生地黃補血酒製防己除膀胱留熱澤瀉助秋令去酒之濕熱凡此諸藥必得桔梗爲舟楫乃不下沉投劑之後疽當不痛不拆食進體健予如言服之投牀大斲日出乃寤以手捫瘡腫減七八至瘡痂都斂十四日而已世醫用技豈無取效者至於治效之外乃能歷數體中不言之祕平生所見惟明之一人而已

方名黃連消毒飲見本條

一人素不慎起居飲食嗽赤腫痛尺脈洪

數以黃連消毒散一劑濕熱頓除惟腫硬作痛以仙方活命飲二劑腫痛悉退但瘡頭不消投十宣去桂加金銀花藁本白朮茯苓陳皮以託裏排膿彼欲全消自製黃連解毒散二服反腫硬不作膿始悟仍用十宣散加白朮茯苓陳皮半夏腫少退仍去桂又四劑而膿成腫勢亦退繼以八珍湯加黃耆五味子麥門冬月餘膿潰而愈夫苦寒之藥雖治陰證尤當分表裏虛實次第時宜豈可始末悉用之然嗽腫赤

痛尺脈數按之則濡乃膀胱經濕熱壅盛也故用黃連消毒散以解毒除濕顧腫硬作痛乃氣血凝滯不行而作也遂用仙方活命飲以散結消毒破血也其瘡頭不消蓋因熱毒熏蒸氣血凝滯而然也宜用甘溫之劑補益陽氣託裏以腐潰之況此證原屬督脈經因虛火盛而出若不審其因專用苦寒之藥胃氣已傷何以腐化收斂幾何不致於敗耶凡瘡易消散易腐潰易收斂皆氣血壯盛故也 一人腦疽已十餘日面目腫閉頭焮如斗脈洪數煩躁飲冷此膀胱濕熱所致用黃連消毒散二劑次飲槐花酒二盞頓退以指按下腫則復起此膿已成於頸額肩頰各刺一孔膿並湧出口目始開更以託裏藥加金銀花連翹三十餘劑而愈 一人患腦疽勢劇脈實用黃連消毒散不應以金銀藤二兩水二鍾煎一鍾入酒半盃服之勢去三四再服漸退又加黃柏知母瓜蒌當歸甘草節數劑而潰止加黃耆川芎白芷桔梗數劑而愈 一婦年將七十形實性急好酒腦疽纔五日脈緊急又瀉急用大黃酒煨細切酒拌炒爲末又酒拌人參炒入薑煎調一錢服過兩時再與得臥而上半身汗睡覺病已失此亦內託之意按此治因性急因好酒兼因其脈而制此方脈緊急且瀉由性急嗜酒以傷其血而然故用大黃以洩酒熱人參以養氣血也 杜清碧病腦疽療之不愈丹溪往視之曰何不防風通聖散曰已服數劑丹溪曰合以酒製之清碧乃自悟以爲不及 一婦腦左腫痛左鼻出膿年餘不愈時或掉眩如坐舟車許叔微曰肝虛風邪襲之然也以川芎一兩當歸三錢羌活旋復花細辛防風蔓荊

子石膏藥本荆芥穗半夏麴乾地黃甘草各半兩每服一兩一料而愈

按此條認作肝虛風邪襲之而治以去風清熱養血祛痰之劑因其

掉眩痛偏於左也經曰諸風掉眩皆屬肝木又病偏左乃肝膽所主又曰風從上受之又曰無痰不成眩暈又曰肝藏血又曰風乃陽邪故方以風熱痰血而主治者理也

一老患此色赤

腫痛脈數有力與黃連消毒飲二劑少退更與清心蓮子飲四劑而消 一婦人冬間患此腫痛熱渴余

用清熱消毒藥潰之而愈次年三月其舌腫大遍身發疔如葡萄不計其數手足尤多乃脾胃受毒也先

各刺出黑血隨服奪命丹七粒出臭汗瘡熱益甚便秘二日與大黃芩連各三錢升麻白芷山梔薄荷連

翹各二錢生甘草一錢水煎三五沸服之大小便出臭血甚多下體稍退乃磨入犀角汁再服舌本及齒

縫出臭血諸毒乃消更以犀角地黃湯而愈

以上治按皆足太陽經積熱挾風挾濕挾虛者其進退出入可以用黃連消毒散之活法也

黃連消毒飲

黃連 五分

黃芩 五分

黃柏 酒洗 五分

人參 五分

知母 四分 酒炒此以苦寒引用通經爲君

羌活 一錢

獨活 五分

防風 五分

藁本 五分

連翹 一錢此以大辛解本經之結爲臣

黃耆 一錢

甘草 炙五分此以甘溫配諸苦寒者三之一多則滋榮氣而補土

當歸身 一錢 酒洗

生地黃 一錢 酒洗此以辛溫之味和血補血

陳皮 五分 不去白補胃氣

甘草梢 五分 生此以甘寒瀉腎火之邪補下焦元氣

澤瀉 七分 溲淡導酒濕扶助秋令 防已 五分 酒洗除勝脹留熱

當歸梢 五分

蘇木 五分 去惡寒

桔梗 一錢 使諸藥不下 沈為舟楫之用

凡所用之藥用酒洗併入酒煎者用

酒熱為因為使 右俱作一服水三盞煎減一半去滓入酒少許再煎食後溫服投劑之後不得飲水必再作膿效遲初患三日者服之立效凡瘡皆陰中之陽陽中之陰二證而已東垣治疽瘍藥七分陰藥三分名曰昇陽益胃散老人宜之亦名復煎散或加沒藥乳香各一錢 右東垣論膏梁肉食之變治宜苦寒不宜芳香者如解裏條撮要內消升麻湯孫真人單煮大黃湯皆為富貴肉食之輩設也羌活當歸湯 治腦疽

黃芩

黃連 各酒炒

當歸身 酒浸

炙甘草 各一兩

羌活

黃柏 酒浸

連翹 各五錢

澤瀉

獨活

藁本 各三錢

防風

梔子仁 各五分

右咬咀分作四服水一小盞先浸一時許入酒一匙煎至八分去

渣大溫服食後日二服和渣計六服三日服盡去渣清藥調下後檳榔散

檳榔散 檳榔為細末將羌活當歸湯調下

陳錄判母年七十餘於冬至後腦出疽形可甌面大眾瘍醫診視俟瘡熟以鍼出膿因管待妾瘡輒內陷凹一韭葉許面色青黃不澤四肢逆冷汗出身清時復嘔吐脈極沉細而遲蓋緣衰老之年嚴寒之時病

中苦楚飲食淡薄已滌肥濃之氣獨存瘦悴之形加之暴怒精神愈損故有此寒變也病與時同與瘍醫議速製五香湯一劑加丁香附子各五錢劑盡瘍復大發隨證調治而愈內經曰凡治病必察其下謂察時下之宜也諸痛癢瘡瘍皆屬心火言其常也如瘡盛形羸邪高痛下始熱終寒此反常也固當察時下之宜而權治故曰經者常也法者用也醫者意也隨所宜而治之可收十全之功矣按此條年老冬寒理宜溫補茲用五香湯

加丁附以辛散何也蓋因其怒氣鬱結阻碍陽氣不得榮運致疽陷且脈極沈細而遲其爲氣鬱可知矣故用五香以開結丁附以助陽則鬱散陽復疽乃大發此亦因其性因其脈而爲治也

錦衣

葉夫人患腦疽口乾舌燥內服清熱外敷寒涼色黯不熾胸中氣噎證屬陽氣虛寒彼疑素有痰火不受

溫補薛以參耆各五錢薑桂各二錢一劑頓然腫潰又用大補藥而愈

陰虛火熾

一人膿將成微痛兼渴尺脈大而無力此陰虛火動之證彼謂心經熱毒自服清涼降火藥愈熾復求治乃以四物湯加黃柏知母五味麥門黃耆及加減八味丸渴止瘡潰更以託裏藥兼前丸而愈

腎水虧損

一婦人年踰八十腦疽已潰發背繼生頭如粟許脈大無力此膀胱經濕熱所致脈無力血氣衰進託裏消毒藥數服稍可更加參耆雖起而渴此血氣虛甚以參耆各一兩歸芩各五錢麥門五味各一錢數服渴止不潰加肉桂十餘劑膿成針之瘀肉漸腐徐徐取去而膿清不斂投十全大補湯加白斂貝母遠志三十餘劑膿稠而愈設不峻補不去腐肉以渴爲火投以涼藥寧免死哉瘡疽之證雖屬心火當分表

瀉

瀉

裏虛實果元氣充實內有實火寒劑或可責效若寒涼過度使胃寒脾弱陽證變陰或結而不潰或潰而不斂陰陽乖戾水火交爭死無日矣 一人腦疽作渴脈雖洪按之無力予咬咀加減八味丸與之彼不信自用滋陰等藥七惡併至而歿精要曰患疽雖云有熱皆因虛而得之愈後作渴或先渴後疽非加減八味丸不能治 一人腦患疽發熱口渴醫用苦寒藥膿水益多發熱益甚面目赤色唇舌燥裂小便淋痛晝夜不寐死在反掌請薛治之乃以加減八味丸料加參耆歸朮麥冬甘草煎服之熟睡半日覺來諸證悉退不數劑而瘡愈薛曰病雖愈當固其本元彼不經意且不守禁次年患中風後患背疽而歿

一老人膿清兼作渴脈軟而濇予以爲氣血俱虛用八珍湯加黃耆五味彼不信乃服降火之劑果反作嘔少食始信服香砂六君子湯四劑嘔止食進仍投前湯月餘而愈 一人未潰兼作渴尺脈大而無力以四物湯加黃柏知母黃耆麥門四劑而渴減又與加減八味丸渴止瘡潰更用託裏藥兼前丸而愈 一人頭項俱痛雖大潰腫痛益甚兼作瀉煩躁不睡飲食少思其勢可畏診其脈毒尚在與仙方活命飲二劑腫痛退半與二神丸及六君子湯加五味麥門酸棗仁四劑諸證少退食頗進睡少得及與參苓白朮散數服飲食頗進又與十全大補湯加金銀花白芷桔梗月餘瘡

〔鬼遺〕赤色疽發頭額及腦前并手掌中十日不穴者死七日可刺出赤血七日未有膿不可治也

不穴者不

作穴而東
攻西擊也

杼疽發鬚及兩耳不穴十五日死可刺其膿色黑如豆豉或見血者死

鬼遺云鼻下一處人中兩處爲發髭此多因摘髭外入風而結攻作不常寒熱相併此亦害人

或問兩

腮及鼻下焮腫生瘡惡血淋漓何如曰此名疔疽屬陽明胃經三日口噤如瘕角弓反張按之如疔釘著骨痛不可忍是也急服烏金散活命飲加桔梗升麻梔子壯實者一粒金丹下之稍緩則毒攻心嘔吐不食昏迷躁亂譫語者死 或問地角上生癰何如曰是名髭毒屬足陽明經風熱所致用活命飲加茶連元參梔子桔梗以清熱壯實者一粒金丹下之若撼之有根肌肉不仁或麻或癢寒熱大作煩悶嘔逆者疔也

顙瘍

或問顙骨內卒然而痛經宿而痛甚寒熱大作何如曰此顙骨肉疽也屬上焦與陽明經鬱火所致宜活命飲加升麻桔梗乾葛水酒煎服仍與烏金散奪命丹汗之可消 或問一人年五十忽顙骨上初覺如松子漸大如胡桃不甚腫微赤微癢或云痰核或云結毒或作瘤治何如曰皆非也是名顙疽屬陽明經積熱所致用紫金丹烏金散活命飲加製過南星服之而消 按靈樞曰心病者顙赤又曰腎病者顙與顏黑然則當察其色赤者宜以黃連安神丸降心火補心丸養心血黑者宜以地黃丸滋腎水未可專委